

AKHBAR : HARIAN METRO

MUKA SURAT : 6

RUANGAN : LOKAL

JANGKITAN SALURAN PERNAFASAN

Majoriti kluster pendidikan

Oleh Izz Laily Hussein
am@hmetro.com.my

Johor Bahru

Waspada berikutan 80 peratus kluster kes jangkitan saluran pernafasan iaitu Penyakit Seperti Influenza (ILI) dan jangkitan saluran pernafasan atas (URTI) di negeri ini membabitkan institusi pendidikan.

Pengerusi Jawatankuasa Kesihatan dan Perpaduan Johor Ling Tian Soon berkata, hasil pemantauan dijalankan Jabatan Kesihatan Negeri Johor (JKNJ) mendapati kebanyakan kluster membabitkan institusi pendidikan itu dikesan di sekolah asrama.

"Kebanyakan kluster yang dilaporkan membabitkan institusi pendidikan, 12 wabak (80 peratus). Pada Minggu Epidemiologi (ME)



ORANG ramai disaran ambil langkah pencegahan dengan mengamalkan tahap kebersihan diri yang tinggi.

23 hingga ME 27/2022, terdapat peningkatan bagi kes yang dilaporkan namun keadaan kini masih terkawal.

"(Bagaimanapun) secara amnya, kes ILI dan URTI adalah jangkitan biasa yang berlaku tanpa musim di

Malaysia sepanjang tahun dan hanya memerlukan pemantauan dan pengasingan diri," katanya.



Amalkan etika batuk yang baik dengan menutup mulut dan hidung apabila batuk atau bersin, sama ada dengan menggunakan tisu atau penutup mulut dan hidung"

Ling

Beliau berkata, secara keseluruhan 1,319 kes jangkitan saluran pernafasan dilaporkan di negeri itu hingga ME 27/2022, berbanding 574 kes pada tempoh ME sama bagi tahun lalu.

Ling berkata, JKNJ akan terus memantau situasi dan trend kejadian ILI dan URTI di negeri ini serta bekerjasama dengan pihak berkaitan bagi memastikan

langkah kawalan dan pencegahan dapat dilakukan dengan sewajarnya.

Justeru, beliau menasihati orang ramai supaya sentiasa mengambil langkah-langkah pencegahan dengan mengamalkan tahap kebersihan diri yang tinggi seperti kerap membasuh tangan dengan menggunakan air, sabun atau cecair pembasmi kuman.

"Amalkan etika batuk yang baik dengan menutup mulut dan hidung apabila batuk atau bersin, sama ada dengan menggunakan tisu atau penutup mulut dan hidung," katanya.

Menurut beliau, orang ramai juga perlu mengamalkan penjarakan sekurang-kurangnya satu meter daripada individu yang bergejala dan mengelakkan daripada mengunjungi tempat tumpuan ramai.